



24. februar 2014

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit ilinniartitaaneq pillugu:**

**1. Meeqqat atuarfianni angajullit atuartut, 2011-mi, 2012-mi aamma 2013-mi atuarunnaartut akornanni procentit qassit atuaqqippat imaluunniit inuutissarsiutigiligassaminnut ilinnialerpat? Akissummut ilannguteqquneqarput kisitsisinngortitsilluni takussutissat, ersarissumik takuneqarsinnaaqqullugu, qassit aallartissimanersut, suut aallartissimaneeraat aamma qassit meeqqat atuarfianniit ingerlaqqinngitsoorsimanersut.**

**2. Ukiuni 2011-mi, 2012-mi aamma 2013-mi qassit GU-mi allartinnissaminnut itigartinneqarpat?**

**3. Itigartitsinermut suna pissutaasuni pingaarnersaava aamma Naalakkersuisut naalakkersuisut nalilersinnaanerlugu qassit itigartitaasimanersut ilinniartut inissaqartinneqannginnerat pissutaalluni?**  
(Inatsisartunut ilaasortaq Andreas Uldum, Demokraatit)

**Tungavilersuut:**

Pingaaruteqarpoq nakkutigiuassagatsigu inuusuttat qassit ilinniaqqittarnersut. Taamaattummik piffissaq tamakkerlugu kisitsisit paasissutissaatigut nutartertuartariaqarpagut, taamaaliornikkut isumagisinnaajumallugu, suliniutit assigiinngitsut aallartinneqartartut atorsinnaanersut.

Apeqqutinni qiviarpakka ukiut kingulliit pingasut, taamaakkaluartoq Naalakkersuisut piumagunik paasissutissat ukiunut amerlanerusunut tunngasut ilanngutikuttoorsinnaavaat, takutikkusukkunik sumut ingerlasoqarnersoq.

Demokraatinut pingaaruteqarpoq, politikerit ilinniartitaanermut malinnaajuarnissaat periarfissaqarluarumalluta piffissaagallartillugu iliuuseqartarnissatsinnut, tamanna pisariaqartinneqassapat.

Apeqqutit akeqquneqarput ullut suliffiit naliginnaat qulit iluanni.